

Trosolwg

Mae'r safon hon yn ymwneud â rôl yr ymarferydd datblygu cymunedol wrth fynd ati a chynorthwyo eraill i fonitro, adolygu a gwerthuso eu gweithgareddau, eu prosiectau a'u ffyrdd o drefnu. Mae'n darparu fframwaith ar gyfer gwerthuso canlyniadau ac effaith ymarfer datblygu cymunedol.

Mae'r safon hon yn berthnasol i bob ymarferydd datblygu cymunedol.

Trefnir y safonau datblygu cymunedol yn chwe maes allweddol:

- Un - deall ac ymarfer datblygu cymunedol
- Dau - deall cymunedau ac ymgysylltu â nhw
- Tri - gwaith grŵp a gweithredu ar y cyd
- Pedwar - cydweithio a gweithio ar draws sectorau
- Pump - dysgu cymunedol er newid cymdeithasol
- Chwech - llywodraethu a datblygu sefydliadol

Mae'r safon hon yn rhan o Faes Allweddol Chwech

Meini prawf perfformiad

Rhaid i chi allu:

- 1 esbonio diben monitro, adolygu a gwerthuso prosesau a gweithgareddau datblygu cymunedol o ran eich sefydliad eich hun
- 2 pennu'r amserlenni a'r terfynau amser ar gyfer monitro, adolygu a gwerthuso gweithgareddau ar gyfer prosiect neu broses yn eich sefydliad eich hun
- 3 pennu'r meini prawf ar gyfer monitro, adolygu a gwerthuso gweithgareddau, gan gynnwys gweithdrefnau ar gyfer delio gyda gwybodaeth sensitif a chyfrinachol
- 4 asesu goblygiadau amser ac adnoddau cynnal gwerthusiadau
- 5 cefnogi'r defnydd o ddulliau agored, cynhwysol a grymusol ar gyfer casglu a chofnodi gwybodaeth feintiol ac ansoddol sy'n darlunio canlyniadau
- 6 darparu gwybodaeth am yr hyfforddiant a'r gefnogaeth sydd ar gael i grwpiau, fel eu bod yn gallu creu a gweithredu fframwaith ar gyfer gwerthuso gwasanaethau a gweithgareddau sefydliadol
- 7 cynghori grwpiau ar ddulliau casglu data y gellir gwirio eu cywirdeb a'u perthnasedd, a'u cofnodi i lywio prosiectau yn y dyfodol
- 8 cynnal cyswllt rheolaidd rhwng pawb sy'n ymwneud â'r prosesau monitro, adolygu neu werthuso
- 9 cefnogi grwpiau i adolygu'r prosesau a'r dulliau a ddefnyddir wrth fonitro, adolygu neu werthuso, er mwyn eu gwella ar gyfer defnydd yn y dyfodol
- 10 hwyluso grwpiau i ddefnyddio'u data monitro a gwerthuso i adolygu eu gweithgareddau a chynllunio'u cyfeiriad yn y dyfodol
- 11 cynorthwyo grwpiau i adrodd am eu canfyddiadau a'u hargymhellion i fuddiolwyr, cyllidwyr a rhanddeiliaid eraill perthnasol
- 12 darparu cefnogaeth a gwybodaeth i alluogi grwpiau i weithredu argymhellion sy'n deillio o fonitro a gwerthuso

Gwybodaeth a dealltwriaeth

Mae angen i chi wybod a deall:

Gwerthuso a monitro cyfranogol ac ar y cyd

1 sut mae cynllunio ar gyfer monitro a gwerthuso wrth gynllunio prosiect

2 systemau a dulliau monitro a gwerthuso sy'n hwyluso casglu gwybodaeth gywir a pherthnasol am gynnydd prosiect neu broses

3 y camau sy'n rhan o'r prosesau monitro a gwerthuso

4 dulliau cyfranogol o werthuso effeithiolrwydd gweithgaredd

5 sut mae adrodd canfyddiadau gweithgareddau monitro a gwerthuso

6 strategaethau lledaenu sy'n briodol ar gyfer gweithgareddau datblygu cymunedol

7 sut mae defnyddio canlyniadau gweithgareddau monitro a gwerthuso i wella ymarfer

8 ble mae cael yr adnoddau a'r arbenigedd i gefnogi monitro a gwerthuso

Gwerthoedd

Seiliwyd datblygu cymunedol ar gyfres o werthoedd sy'n ei osod ar wahân i weithgareddau eraill, a all fod yn gysylltiedig, yn y gymuned. Mae'r gwerthoedd hyn yn greiddiol i ddatblygu cymunedol, ac yn darparu sylfaen ar gyfer pob un o'r safonau. Y gwerthoedd yw;

- 1 Cyfiawnder cymdeithasol a chydraddoldeb
- 2 Gwrthweithio camwahaniaethu
- 3 Grymuso cymunedol
- 4 Gweithredu ar y cyd
- 5 Gweithio a dysgu gyda'n gilydd

Mae'r enghreifftiau canlynol yn dangos sut gallai pob un o'r gwerthoedd datblygu cymunedol lywio ymarfer yn y safon hon. Nid yw'r gosodiadau hyn yn rhan o'r gofynion asesu.

- 1 mae'r meini prawf monitro a gwerthuso yn cynnwys rhoi sylw i ba raddau mae'r gwerthoedd wedi llywio ymarfer
- 2 mae'r prosesau monitro a gwerthuso yn gynhwysol, yn rymusol ac yn gwrthweithio camwahaniaethu
- 3 mae cymunedau'n deall sut mae gweithgareddau monitro a gwerthuso'n helpu i arddangos newidiadau sy'n digwydd
- 4 ceisir safbwyntiau, barn a phrofiadau'r gymuned fel rhan o'r broses werthuso
- 5 caiff canlyniadau canfyddiadau gwerthuso eu bwydo nôl i gymunedau

 Monitro a gwerthuso gweithgareddau datblygu cymunedol

Datblygwyd gan	NYA
Dyddiad cymeradwyo	28 Chwef 2015
Dyddiad Adolygu Dangosol	28 Chwef 2018
Dilysrwydd	Ar hyn o bryd
Statws	Gwreiddiol
Sefydliad cychwynnol	Learning Skills Improvement Service
RCU gwreiddiol	LSICD23
Galwedigaethau perthnasol	Gweithwyr Cymunedol Gwirfoddol, Grwpiau Cymorth Cymunedol
Cyfres/Set	Datblygu Cymunedol
Geiriau Allweddol	datblygu cymunedol; ymarferydd datblygu cymunedol; ymarfer datblygu cymunedol; gwerthoedd datblygu cymunedol; ymchwil datblygu cymunedol; ymgynghori ar ddatblygu cymunedol; grwpiau datblygu cymunedol; dulliau datblygu cymunedol
